

Date – 08/08/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoma hovin Planning Department hotute nimin khan thu pawimawh hrang hrang ngaihtuahin an thukhawm.**
- 2. Mizoram kawngpui pawimawh 2- National Highway 306 leh 302 chhe lutuk siamtha tura chak zawka hmalak dan ngaihtuah mek a ni.**
- 3. Lok Sabha chuan nimin khan Finance Bill, 2024 a pass.**
- 4. Union Sports Minister Dr. Mansukh Mandaviya chuan Paris Olympic-a Vinesh Phogat disqualify anih chungchangah Indian Olympic Association (IOA) chuan United World Wrestling ah lungawilohna a thlen a ti.**

<><><>

CM

Chief Minister Pu Lalduhoma hovin Planning Department hotuten Inter-Departmental Meeting in a rel hmalakna tur hrang hrang bawhzuina meeting nimin khan an nei a.

Sawrkar scheme leh project te Planning Department kaltlang zela thehluh tawh tur a nih anga hmalak zuina te, PM Gati Shakti tangkai zawka hman dan tur te, project convergence tha taka kalpui a nih theih nana thil pawimawh awm te, scheme evaluation kalpui dan tur te, Investment promotion chungchang te bakah inter departmental meeting-in a rel, Planning & Programme Implementation Department-in a bawhzui ngai chi apiang te an sawi a ni.

Meeting ah hian Pu TBC Lalvenchhunga, Adviser to CM (Planning), Pu Vanlaldina Fanai, Commissioner & Secretary to CM, Pu Lalmalsawma Pachuau, Secretary, Planning, Pi R. Lalrodingi, OSD to CM leh planning official pawimawh dang te an tel a ni.

<><><>

ZMC

Health & Family Welfare Minister Pi Lalrinpuii chuan Zoram Medical College atanga pass chhuak zinga Doctor 39 te National Heath Mission hnuiaia thawk tura lak nghal an ni, a ti.

Nimina ZMC din champhaphak vawi 6-na lawmna a hmanpuinaah he thu hi sawiin, Pi Lalrinpuii chuan sawrkarin health sector, a bikin primary health sector ngaipawimawhin thingtlang mipuite ban phak PHC hrang hranga Doctor indaihlohna phuhruk dan kawng a dap nasa a ti a, Medical College tha nei turin hmunhma leh bungraw tha, zirtirtu fel leh rintlak bakah zirlai tha neih a pawimawh hmasak thu sawiin, ZMC ah Cardio-thoracic wing din turin State Sawrkar-ah rawtna thlen a nih thu leh IVF Centre neih theih nan ruahmanna siam mek a nih thu a tarlang bawk.

Health Minister chuan Medical Research lamah tanlak zual a tul thu leh Mizoram leh a chhunga chengte behchhan ngeia research neih a tul thu sawiin, mipuite'n hriselna tha zawk an neih theih nana ngaihtuahna seng turin ZMC a thawk Doctor te a sawm a. Medical science leh technology chhuak tharte chu inkawp tlat an nih avangin intuaithara thil chhuak tharte ngaihven zel turin a chah a ni.

Health Minister hian Crawford Gents' Hostel leh Hospital Management Information System (HMIS) a hawng nghal bawk a. He hunah hian Aizawl South-III bialtu MLA Pi Baryl Vanneihsang pawh a tel a ni.



KOLASIB HIGHWAY

National Highway 306, Mizoram chak lak na ber leh kawng pawimawh ber pawl, lirthei zawh harsa khawpa chhia chungchangah nimin khan Kolasib DC Pu Robert C Lalhmangaiha hovin ngaihtuah a ni a,

Kolasib DC chuan helai kawng hi Deputy Speaker hovin tun hnaiah pawh an en ho tawh a ti a. Amaherawhchu hmasawn na lian tham hmuh tur a awm loh thu sawiin, District level ah a tul ang ang ngaihtuah a hmalak dan tur buaipui ho tura thutkhawm chu nei an nih thu a sawi.

NHIDCL hotute leh Contractor te pawh an harsatna te zawtin an kalpui tum dan te ngaihthlak a ni a. Contractor te tarlan danin pawisa an hmuh vele theih tawp a hma an la ve a. A tul anga culvert te siam niin hmun thenkhat ah Paver block a an siam chu khawtlang mipuite ngenna angin concrete pavement a thlak a ni a, amaherawhchu a char chhung ni 28 nghah a ngaih avangin duhthusam a hma lak theih a nih loh thu an sawi a. NHIDCL pawh in ngenna siam in kawng sira phalna la hmasa lo a approach road an lo siam thin chuan kawngpui ah tui a ti tling a, chu chuan kawngpui a tihchhiat thin thu an sawi a. Quarry bula stone dust te, kawng sira vantlang mipuiten an hmanrua an dah thin te leh an kawtkai a side drain siam an duh lo thin te chuan an hnathawh a tih harsat thu an sawi a ni.

Pu Robert C Lalmangaiha chuan an harsatna te hriatthiamawm tamtak awm mahse mipuite mamawh em em thil pawimawh hmasa, a khuar zual lai hnawh te leh tawhsual tawh theihna tur thawmthat zung zung a tul thu sawiin, VC te nena thawhhona tha nei a an hun tiam chhunga zo fel tura tan an lak a ngai a ni, a ti . Tuna tang chuan khauh zawka District Administration pawh in an nawr tur thu leh tanpui an ngaih pawh in an tanpui tur thu a sawi a, a a tuar tu ber chu mipuite an ni a chuvang chuan mipuite tan kawng him leh hman tlak siam chu an tihmakmawh a ni, a ti.

Meeting ah hian DC bakah NHIDCL hotute leh Contractor te, Sr EE Kolasib, DFO Kolasib, Sub Hqs YMA Kolasib, Jt VC - K olasib, Kawnpui, Vairengte , Bilkhawthlir te, Bualpui VCP, North Chhimluang, Thingdawl, Khamrang, Mualkhang VCP te leh Landowners te an kalkhawm a ni.

<><><>

NH 302

Lunglei leh Tlabung inkar National Highway-302 kawngpui laih zauh hna thawh mek dinhmun leh fur ruahsur avanga lirthei tlan leh khualzinte'n harsatna an tawh thin sut kian a nih theih nana hma lak dan tur thlithlaiin Lunglei District Deputy Commissioner ruahmannain inspection team ten an enfiah a.

Inspection team-ah hian Additional DC Pi Rochuangkimi Khenglawt bakah, Settlement Officer Pu Lalrinawma leh Land Revenue & Settlement (LR&S) Department, Lungleia thawktute an tel a. He lai kawngpui zauh hna thawh mek enkawltu NHIDCL hnuaiia Authority Engineer-te leh hna thawktu contractor-te'n lo dawngsawngin, fur ruahsur leh lei min avanga kawngpui chhe lai te, leivung paihna hmun ruahman dan te, hmun thum - Chhumkhum, Lungsen leh Tuichawnga khaw chhung helna kawng by-pass road siam mek te en ho niin, NH-302 kawngpui chu mipui chakkhai leh mamawh phurhna kawngpui pawimawh a nih angin lirthei veivak leh khualzin mipuite'n harsatna an tawh loh nana chak zawka hna thawh a nih theih dan tur te, kawng chhe zual lai thawm that thuai a nih theih dan tur te sawi ho a ni.

Contractor-te chuan hmun thenkhatah chuan sub-grade an phah hnuah furin a nan avangin GSB phah hman a ni lo va, fur ruahtuiin sub-grade phah sa pawh tichhiain, kawngin a chhiat zual phah tih an sawi a. Kawng chhe zual lai pawh a theih ang anga an thawm that thin thu leh NH-302 Monitoring Committee te dina vil zui reng a nih thu an sawi baw.

NH-302 kawngpui zauh hna thawh mek hi Hrangchalkawn atanga Tlabung thleng niin, kawng hluiah chuan kilometre 96-a thui a ni a. Tuna kawng thar ruahman ang chuan KM 75.070-a thui tur niin, package hnihah then a ni.

<><><>

SERCHHIP

Serchhip District chhunga naupang venhimna chungchanga thawhhona tha zawk a awm theihna turin Serchhip Addl SP Pu Saidingiana Sailo

kaihhruaiin a pisaah police te, Judicial lam hotute leh Women &Child Development official-te nimin khan an thukhawm a.

Sawrkarin naupang himna a ngaih pawimawh avangin humsual an dai lohna tur leh thil tha lo an chung a thlen lohna turin dan a zam a, anmahni venhimna ngaihtuahtu Department te leh khawtlang mipui aiawh mi langsar te telna Committee a din a. Heng department peng hrang hrang te leh mipui mimirin thawhhona tha zawk an neih theihna tur te, vantlang mipui ten naupangte dikna chanvo humhim a pawimawhzia leh an laka paw khawihhute chung a hremna lek kawh a nih theih dan zau zawka an hriat theih nan meeting hi neih a ni a. Juvenile Justice Board (JJB) te, Child Welfare Committee (CWC) te, Special Juvenile Police Unit te leh District Child Protection Unit (DCPU) te an tel a ni.

Juvenile Justice (Care and Protection of Children) Act hnuai hian naupang thilsual ti emaw enkawl leh venhim ngai buaipuitu police te hi uniform hak a rem ti lo a, kutkawl bun tir phal a ni lo a, Jail ah emaw Thana-ah zan riah tir phal an ni lo. Naupang te tan bika din Special Juvenile Police Unit hi District tinah dah a ni a, naupang thilsual ti buaipui ngai leh venhim ngai te hi heng SJPU a tel te chauh hian an khawih thei a ni. Naupang kum 18 hnuai lam thilsual ti te chungchang bik hi Court puitlingah ngaihtuah a ni ngai lo a, Juvenile Justice Board (JJB) te kutah dah a ni. Child Welfare Committee (CWC) te hian naupang kum 18 hnuai lam enkawl leh venhim ngai bikte chungchang an ngaihtuah thin a. Vawiin meeting ah hian official te, police te leh committee peng hrang hranga member te tih tur inhrilhhriat tharna leh naupang enkawl leh venhim dan tur rawtna hrang hrang an neih te an sawi ho a ni.

<><><>

BANGLADESH

Bangladesh sorkar buai chungchangah Lunglei dist thuneitu te chuan boruak awm dan thlithlai turin Tlabung leh Lungsen BDO leh SDO te chu an hriattir a. Mizoram Police lehBSF te pawh ramriah Joint patrolling neiin an kal kual a, hriat theih chinah dan lova ramri kan an la awm lo.

Hemi chungchangah hian hranpa a duty tur a thupek chhuah erawh a la awm lova, dan an neihsa pangngai ang maia duty kalpui an ni tih kan corr thudawna chuan a sawi.

Lawngtlaiah chuan District Magistrate Pu Cheemala Siva Gopal Reddy chuan thenawm rama buaina a chhuah vangin ramri a kenkawhtur khapna thupek a chhuah a.

District Magistrate in thupek a chhuah ah chuan Bangladesh ah buaina nasa tak a chhuak ni a hriat a nih thu tarlangin, Lawngtlai District chhunga Bangladesh leh Myanmar ramri, Kilometres thum huamchhung ah tlai dar 6 leh zing dar 6 inkar ah veivah a khap a, Ran khalhluh leh khalh chhuah khap a

ni a, Lirthei engchi mah veivah phal a ni lo bawk. Thupek hian thlahnih chhung a huam dawn a, thupek zawmlote chu hrem an nihtur thu District Magistrate in thupek a chhuahah hian tarlan tel a ni.

<><><>

FINANCE BILL

Lok Sabha chuan nimin khan Finance Bill,2024 a pass a. He bill-a sawrkar laipuiin kum 2024-25 chhunga sum hman tura leh hmuh tur ruahmannate ataka hman theih a ni ang. Union Finance Minister Nirmala Sitharaman-i chuan sawihona khaikhawmin chhiah lak dan chu awlsam zawnga kalpui anih thu leh ramchhung hmasawna leh hna siam tura kalpui a ni a ti a. Prime Minister Narendra Modia sawrkar chuan chhiah khawn danah insiamthatna a thlen tih sawiin langtlang leh awlsam taka thil kalpui a ni a ti.

<><><>

PARIS OLYMPIC

Union Sports Minister Dr. Mansukh Mandaviya chuan Paris Olympic-a Vinesh Phogat disqualify anih chungchangah Indian Olympic Association (IOA) chuan United World Wrestling ah lungawilohna a thlen a ti.

He thu hi Lok Sabha-ah sawiin Pu Mandaviya-a chuan sawrkar laipuiin hmeichhe wrestler-te pui turin theihtawp a chhuah tih sawiin Prime Minister Modia pawhin IOA President P.T Usha chu telephone-in a bia a ti a. IOA chu he thilah hian theihtawp chhuah tura ngen a ni a ti a. UWW danah chuan infiammi-in inbuknaa a inlan lo emaw a rit lutuk emaw anih chuan intihsiakna atanga disqualify niin a hnunung berah dah thin a ni a ti.

Puan tawh angina Paris Olympic-a India tana medal la ngei tura beisei hmeichhe wrestler Vinesh Phogat chun kg 50 freestyle final khel hmain phal chin aia a rih avangin khel thei loa disqualify a ni.

<><><>

PRESIDENT MURMU

President Droupadi Murmui chuan zirna chu khawtlang nun siamthatna leh ram indinna lungphum a ni a ti. Nimina New Zealand International Education conference, Takina Wellington Convention Centre, Wellington-a neihah he thu hi sawiin President Murmu-i chuan India sawrkar chuan ramchhunga zirna tha siam turin kawng hrang hrangin hma a la a ti bawk.

President hian ni hnih chamin New Zealand a tlawh a, nimin zing khan Wellington thlengin ropui taka lo dawnawn a ni.

<><><>